




ԷԿՈՒՄԵՆԻԿ

ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
ԿԵՆՏՐՈՆԱԿԱՆ ԿՈՄԻՏԵԻ 25-ՐԴ ԳՈՒՄԱՐՈՒՄԸ
ԺՆԵՎԻ ԿԵՆՏՐՈՆԱՏԵՂԻԻ ՄԵՋ

Սույն թվի օգոստոսի 22—29 օրերին Ե. Հ. Խ.-ի կենտրոնական կոմիտեի 25-րդ գումարումը տեղի ունեցավ Ծվեյցարիայի Ժնև քաղաքի կենտրոնատեղիի մեջ՝ ներկայությամբ կենտրոնական կոմիտեի ավելի քան 120 անդամների, քվեարկելու իրավունք չունեցող պատգամավորների, երիտասարդության ներկայացուցիչների, խորհրդականների, հյուրերի և Ե. Հ. Խ.-ի պատասխանատու պաշտոնյաների՝ ընդամենը շուրջ 500 հոգի:

Ժողովի բացման արարողությունը կատարվեց հավաքական աղոթքով, որը տեղի ունեցավ կենտրոնատեղիի մատուան մեջ: Կոմիտեի պատվո նախագահության անդամներից Հանս Լիլիեն՝ Արեւմտյան Գերմանիայի Հանովեր քաղաքի եպիսկոպոսը, ժողովի բացման առթիվ մի քարոզ խոսեց՝ վեր հանելով կոմիտեի 25-ամյա գործունեության նշանակալից դերը և եկեղեցիների միությանն ու փոխըմբռնման կարևորությունը Էկումենիկ կյանքում:

Ժամը 9.45-ին նիստերի դահլիճում սլաշտոնապես բացվեց կենտրոնական կոմիտեի 25-րդ նստաշրջանը: Ե. Հ. Խ.-ի կենտրոնական կոմիտեի առաջին նստաշրջանը տեղի է ունեցել 1948 թվականին Ամստերդամում: Այս առթիվ Ծվեյցարիայի կոնֆեդերացիոն կառավարության խորհրդական Հ. Պ. Թշուտին և Ժնևի կանտոնի բողոքական-կալվինական եկեղեցու ներկայացուցիչները բարիգալստյան ջերմ խոսք ասացին 25-րդ տարեդարձի առթիվ գումարված այս ժողովի գործերին լիակատար հաջողություն մաղթելով: Ե. Հ. Խ.-ի

և ներկաների անունից Էկումենիկ շարժման վետերան և Ե. Հ. Խ.-ի պատվո նախագահ դոկտ. Վիլհրտ Հուֆթը շնորհակալության խոսք ասաց տեղի կառավարությանը և եկեղեցիների ներկայացուցիչներին:

Այնուհետև ժողովում ընթերցվեցին Ե. Հ. Խ.-ի 25-ամյակի առթիվ ուղարկված շնորհավորական հեռագրերն ու ողջույնի խոսքերը: Ժողովականների կողմից առանձին գոհունակությամբ ընդունվեցին այս առթիվ Կ. Պոլսի տիեզերական Պատրիարք Ն. Ս. Դիմիտրիոսի և համայն ուսուցիչ Պատրիարք Ն. Ս. Պիմնի անունից ժողովին առաքված պատգամները, որոնք խթանող օրինակներ հանդիսացան Ե. Հ. Խ.-ի անդամ եկեղեցիների համար նրանց հեռագա գործունեության ճանապարհին:

Այս առթիվ Ե. Հ. Խ.-ի գլխավոր քարտուղար դոկտ. Ֆ. Փոթըրին ողջույնի և շնորհավորական հեռագիր էր ուղարկել նաև Ամենայն Հայոց Վեհափառ Հայրապետը:

Ողջույնի և բարեմաղթության խոսքերից հետո ժողովի ծրագիրը հաստատվեց, ապա՝ հաշվետու գեկուցումով հանդես եկավ կենտրոնական կոմիտեի գործադիր մարմնի ատենապետ դոկտ. Մ. Մ. Թոմասը:


Իր գեկուցման մեջ դոկտ. Թոմասն արեց հետևյալ խորհրդածությունները. Ե. Հ. Խ.-ն կանգնած է աստվածաբանական երկու դժվարին հարցերի առաջ, առաջինը՝ հավատո և կարգի, կյանքի և գործքի, աշխարհի փրկագործության առաքելության ասպարեզում, որտեղ պակասում է ներդաշնակությունը ընդհանուր նպատակների

իրագործման վերաբերյալ, իսկ երկրորդը՝ արդյունքն է կրոնական ավանդությունների, սնակության, բարքերի և գաղափարաբանական հոսանքների այն հսկայական զանազանության, որոնք գոյություն ունեն Ե. Հ. Խ.-ին անդամ եկեղեցիների ծոցում:

Ե. Հ. Խ.-ի գլխավոր քարտուղար դոկտ. Ֆիլիպ Փոթըրը հանգամանալից և խմամքով ներկայացրած իր առաջին զեկուցագրով վստահություն ներշնչեց կենտրոնական կո-

գործնական ընկերակցության մեջ՝ ժողովուրդների և ազգերի միջև պատակտուններն ու պայքարները դիմագրավելու համար միասնաբար:

«Մենք,—նշեց գլխավոր քարտուղարը— միայն մեկ խարիսխ ունենք, որի վրա կարող ենք իրագործել այս միությունը և հաշտությունը: Այդ խարիսխը Քրիստոսն է, որ պատակտված մարդկությունը հաշտեցրեց իր չարչարանքների և մահվան գնով



Մի պահ հոբելյանական ժողովից

միտնի բոլոր անդամներին, թե ինքը իր ստանձնած նոր պաշտոնին համապատասխան արժանիքներով օժտված, իր գործին ամբողջապես նվիրված անձ է: Իր զեկուցման մեջ դոկտ. Փոթըրը կանգ առավ Ե. Հ. Խ.-ն հուզող երեք հիմնական հարցերի վրա: Համաձայն դոկտ. Փոթըրի գնահատման, Էկումենիկ շարժման առջև ծառացած երեք կարևոր նպատակներ կան իրագործվելիք: Դրանք են.

ա. Ամենագործնական և շոշափելի ծառայությունը, որ Էկումենիկ շարժումը և անդամ եկեղեցիները կարող են բերել արդի պատակտված աշխարհին, այն է, որ նրանք որպես քրիստոնյաներ, կարողանան ապրել

միջնորդաբար: Մեր միությունը՝ Քրիստոսով մեկ լինելու մեջ է խտացած. «Որ Քրիստոսն է, այնտեղ է եկեղեցին»—«Ubi Christus ibi ecclesia»: Այս իրավ միությունը կարող է դառնալ աղբյուր անսպառ հարստության, քաջալերանք և միջոց՝ է՛լ ավելի լավ ըմբռնելու համար Աստուծո նպատակը:

բ. Անդրադառնալով աստվածաբանության առավել անհրաժեշտությանը Էկումենիկ շարժման ծոցում և նկատի ունենալով այն բոլոր քննադատությունները, որ այդ ուղղությամբ արել են Ե. Հ. Խ.-ի հասցեին, դոկտ. Փոթըրը հետևյալն ասաց.

«Ցարդ չենք կարողացել իրականացնել և

գարգացնել հոգեկան հաղորդականությունը մեր միջև, որպեսզի կարողանայինք հստակորեն տեսնել և գնահատել աստվածաբանական բոլոր տարբեր մտածելակերպերը: Մեր ուշադրությունից վրիպել է նաև այն պարագան, որ մեր աստվածաբանական մտահանգումները հիմնված են մի շարք գաղափարախոսական կանխակալ ենթադրությունների վրա, որոնք հաճախ արգելք են հանդիսանում մեզ իրար ավելի լավ ըմբռնելու մեր ճիգերի մեջ»:

գ. Ըստ դոկտ. Փոթըրի վերլուծության, Ե. Հ. Ն.-ն մեկ գլխավոր դժվարության առաջ է կանգնած այսօր, դա հաղորդակցության հարցն է, որ ամուր հիմքերի վրա չէ դրված: Անդամ եկեղեցիները բավարար չափով չեն կարողանում միմյանց հետ փոխանակել իրենց փորձառությունները: «Մենք պետք է անմիջական կերպով լուրջ ուշադրության առարկա դարձնենք սույն հարցը՝ մեր հաղորդակցման միջոցները կատարելագործելու համար, որով միայն Ե. Հ. Ն.-ն կդառնա իսկական հաղորդակցության մի օրգան եկեղեցիների միջև», շեշտում է գլխավոր քարտուղարը:

Կենտրոնական կոմիտեի անդամները և ժողովականները առանձին ուշադրությամբ լսեցին եկեղեցիների միության վերաբերյալ դոկտ. Լուկաս Վիշերի կողմից ներկայացված զեկուցագիրը, որը մի շարք նոր և կարեւոր խնդիրներ էր առաջադրում:

Դոկտ. Վիշերը շեշտեց, որ միության խնդիրը պետք է բնագրվի տարբեր ցամաքամասերում գործող եկեղեցիների միջև և միություն ստեղծվի նախ ամեն մեկ ցամաքամասի եկեղեցիներում. և ապա պետք է ձգտել ընդհանրորին:

Անդրադատնալով եկեղեցիների միության հարցին, դոկտ. Վիշերն ասաց. «Միությունը կարող է իրականանալ, եթե այն փրկւորվի: Եվ դրա բանալին եկեղեցիների համատեղության հաղթահարումն է: Յուրաքանչյուր անդամ եկեղեցի կառուցել է իր ինքնուրույնությամբ: Եթե միայն եկեղեցիներն անդրադառնային, թե միությունը կարող է ծածկել իր մեջ սեփական ինքնուրույնությունները համապարփակ մի ինքնուրույնությամբ, միության խնդիր լուծումն ինքնին մեր ձեռքում կլիներ»:

Հաջորդ զեկուցումով ներկայացվեց Ե. Հ. Ն.-ի ֆինանսական դրությունը: Զեկուցորդն ընդհատեց, թե կյանքի արդի պայմաններում, երբ գրեթե բոլոր կարևոր երկրների փողերը ենթարկվում են արժեքազրկման կամ անկայուն արժեքի են վերածվում, ի՞նչ միջոցներ պետք է ձեռք առնի Ե. Հ. Ն.-ն իր տնտեսական դրությունը կայուն վիճակում պահելու համար:

Վերոհիշյալ չորս կարևոր զեկուցումները լսելուց հետո ժողովականները զանազան խմբերի բաժանվեցին հանգամանորեն քննարկելու համար օրակարգում դրված հարցերը:

Միություն.

Այս հարցը բոլոր հարցերից կարևորագույնն է: Անհրաժեշտ է, որ անդամ եկեղեցիները վերստին հարց տան միմյանց, թե ի՞նչ է բնույթը և նկարագիրը այն միության, որին ձգտում է Ե. Հ. Ն.-ն: Եկեղեցիների միջև գոյություն ունեցող այլազանությունները ծածկելու ոչ մեկ փորձ չպետք է արվի: Ընդհակառակը՝ անհրաժեշտ է, որ եկեղեցիները գտնեն հասարակաց աստվածաբանական մի հասկացություն, որի մեջ այլազանությունները միանան և հարստացնեն ամբողջությունը: Էականը գտնելն է միության տեսիլքն ու ըմբռնողությունը, որոնք հիմքն են կազմում Ե. Հ. Ն.-ի կոչման: Այդ ձևով միայն ներկա օրերի եկեղեցիները կարող են իրար հանդիպել: Այս ըմբռնողությունը պետք է միաժամանակ իր մեջ խտացնի այն ճշմարտությունը, թե եկեղեցիների միության գաղափարը անքակտելիորեն առնչված է համամարդկային միության գաղափարի հետ. այս ձևով է, որ լարվածությունը և ձգվածությունը «հյուսիսի» և «հարավի», «արևելքի» և «արևմուտքի» միջև կթուլանա:

Այս հարցի մասին գնահատելի լուսաբանություն բերեց դոկտ. Լուկաս Վիշերի տեղեկագիրը «Եկեղեցու միությունը» բնաբանով, որ թարմ մտածումներով բացատրվում էին եկեղեցիների միության բնույթը և հնարավորության կերպերը:

Աստվածաբանության կարևորությունը.

Ե. Հ. Ն.-ի գլխավոր քարտուղարը իր տեղեկագրում համարձակորեն խոստովանեց, որ Ե. Հ. Ն.-ն դեռևս հարմար նոր կերպեր չի գտել եկեղեցիների աստվածաբանությամբ զբաղվելու: Ե. Հ. Ն.-ն նոր է, որ անդրադառնում է սրա կարևորությանը և ջանք թափում հետևյալ հարցերը լուսաբանելու գործում.

ա. Ի՞նչ է աղերսը պատմական ավանդությանը արժեքի և ս. Հոգու դերի մասին մեր արդի ըմբռնողության միջև:

բ. Ինչպե՞ս հնարավոր է աստվածաբանությամբ զբաղվել արդի մտայնությամբ տղամարդկանց և կանանց հետ, երբ բոլորս հավասարապես գտնում ենք նոր պայքարների և կացությունների առաջ:

գ. Ինչպե՞ս հնարավոր է մեր հավատքի տիեզերականության մասին արտահայտվել՝

նկատի ունենալով մեր մշակութային և գաղափարական տարբերությունները: Աստվածաբանական հարցերով զբաղվելը առանձնապես առնչվում է Ե. Հ. Խ.-ի ամբողջ ծրագրի հետ:

Հաղորդակցություն.

Ժողովի ընթացքում կենտրոնական կոմիտեի անդամները կրկին անգամ շեշտեցին հաղորդակցության անհրաժեշտությունը Ե. Հ. Խ.-ի ընդհանուր գործունեության մեջ: Հաղորդակցության անհրաժեշտությունը շեշտեց առավելապես անդամ եկեղեցիների և Ե. Հ. Խ.-ի կենտրոնի միջև: Երբ եկեղեցիների փոխադարձ հարաբերությունները զգալիորեն բարելավվեն, այն ժամանակ հաղորդակցության բաժանմունքը կարող կլինի իր գործունեությունը բարելավել առավելագույն չափով:

Ժողովում որոշվեց առավել սերտ հաղորդակցություն ստեղծել Ե. Հ. Խ.-ի և անդամ եկեղեցիների միջև, որպեսզի այդպիսով ժողովրդի մեջ լսելի դառնա Ե. Հ. Խ.-ի խոսքը, և փոխադարձաբար էկումենիկ կենտրոնատեղին տեղեկանա անդամ եկեղեցիների կարևոր իրադարձություններին: Այսպիսով է, որ եկեղեցիները ավելի լայն չափով կմասնակցեն էկումենիկ շարժմանը, և Ե. Հ. Խ.-ն կդառնա հաղորդակցության գործուն մի օրգան եկեղեցիների միջև:

Ֆինանսական դրություն.

Էկումենիկ ոգու կարևոր հատկանիշներից մեկն է նյութական օժանդակության միջոցով նպաստել հասարակաց գործին: Եղբայրական գործակցության ոգին իրականություն լինելուց կդադարի այն պահին, երբ եկեղեցիները դադարեն իրար նեցուկ լինելուց: Դժբախտաբար, բոլոր անդամ եկեղեցիները չէ, որ կատարել են այն, ինչ որ կարող էին անել նյութական իմաստով: Անհրաժեշտ է, որ անդամ եկեղեցիները տեղեկանան, տնտեսական այն տագնապի մասին, որի առաջ է կանգնած Ե. Հ. Խ.-ն ներկայումս, և ձգտեն իրենց նյութական օժանդակությունն ավելացնել, հատկապես նկատի ունենալով առաջիկա 5-րդ համագումարի նախապատրաստման և անցկացման համար պահանջվող մեծ ծախսերը: Նոր միջոցներ և կերպեր պետք է կիրառվեն, որպեսզի բոլոր անդամ եկեղեցիներն անխտիր օժանդակեն ընդհանուր բյուջեին, ինչպես նաև իրագործվեն մասնավոր օգտակար ծրագրեր:

Ժողովում որոշվեց խնդրել անդամ եկեղեցիներին, որ իրենց անդամակցության գումարը բարձրացնեն՝ հավատացյալների

շրջանակում առանձին հանգանակություններ կազմակերպելու միջոցով, ինչ որ բնականաբար կարող է հատուկ աշխատանքի: Այսպիսով Ե. Հ. Խ.-ին ի նպաստ տրված գումարը կլինի ժողովրդի աղոթքով և ցանկությամբ տրված մի օգնություն:

* *

Ե. Հ. Խ.-ի ներքին կազմակերպչական, աստվածաբանական, տնտեսական և այլ կարգի հարցերից բացի, ժողովում մանրամասնորեն քննարկման և խոսակցությանց նյութ դարձան արդի աշխարհի խաղաղությունը վրդովող քաղաքական, ընկերային, ցեղային ու հասարակական հարցերը:

Ժողովը իր 8-օրյա նստաշրջանում հատկապես անդրադարձավ ներկա քաղաքական տագնապի հարցերին և իր որոշումներն արձանագրեց հետևյալ բնագավառներում.

1. Մերձավոր Արևելքի շարունակվող տագնապի քննարկումից հետո, որոշում կայացվեց, որ ամեն ջանք ի գործ դրվի Մերձավոր Արևելքում գտնվող երկրների միջև խաղաղությունը վերահաստատելու համար: Ծեշտվեց, որ Ե. Հ. Խ.-ի անունից տրվող նյութական օժանդակությունը բավարար չէ խաղաղությունը վերահաստատելու համար, այլ կողմերը հաշտեցնելու նոր աշխատանք հարկավոր է տանել:

2. Երկրորդ քաղաքական տագնապը, որով զբաղվեց ժողովը, Բուրունդի իրադարձություններն էին: Բուրունդիում նույն ցեղին պատկանող մարդիկ իրար են փորձում բնաջնջել երկրի իշխանությանը տիրաւորում համար: Ե. Հ. Խ.-ն այս առթիվ որոշեց խնդրել աֆրիկյան երկրներին, որ օգնեն հաշտեցման և խաղաղության վերահաստատման գործին: Բացի այդ, Ե. Հ. Խ.-ի պատասխանատու պաշտոնյաներին հրահանգվեց, որ անհապաղ աֆրիկյան երկրների քրիստոնյաների մի համագումար կազմակերպեն, որպեսզի նրանց միջոցով ևս փորձվի աղետը դարմանել:

3. Ժողովը առանձին ուշադրությամբ քննության առավ պորտուգալացի գաղթականաց հարցը: Հարյուր հազարավոր պորտուգալացի գաղթականներ կամ իրենց հայրենիքը լքողներ, տնտեսական ու քաղաքական պատճառներով, ապրում են Արևմտյան Եվրոպայի տարբեր երկրներում և հատկապես Ֆրանսիայում, որի Փարիզ քաղաքը համարվում է աշխարհի մեծագույն պորտուգալական քաղաքը, այն պատճառով, որ Փարիզի պորտուգալացի բնակիչների թիվն ավելի մեծ է, քան Պոր-

տուգալիայի որևէ քաղաքի բնակչության թիվը:

Պորտուգալացի գաղթականների մեծ մասը պորտուգալական գաղութներից զինվորական ծառայությունից փախած մարդիկ են, որոնք բոլորն էլ զրկված են իրենց հայրենի երկիրը վերադառնալու իրավունքից:

Կենտրոնական կոմիտեի ժողովը միաձայնությամբ որոշում ընդունեց դիմել պորտուգալական կառավարությանը վերոհիշյալ խնդրի բարվոք լուծման համար: Որոշում կայացվեց նաև, ժխտական վերաբերմունքի դեպքում, դիմել Միացյալ ազգերի կազմակերպությանն ու ՆԱՏՕ-ի դաշնակից երկրներին, որպեսզի նրանց միջոցով ճշմարտագործարկի պորտուգալական իշխանությունների վրա պորտուգալացի գաղթականների հարցի դրական լուծման համար:

4. Ե. Հ. Խ.-ի կենտրոնական կոմիտեի ժողովի օրերին էր, որ առնելի ջրհեղեղի դեպքը պատահեց Պակիստանում և Հնդկաստանի մեկ մասում: Այս առթիվ որոշում ընդունեց անմիջական կերպով նյութական օժանդակություն հասցնել պատուհասված վայրերը և կոչ անել անդամ եկեղեցիներին՝ իրենց մասնակցությունը բերելու աղետշաղկերի օգտին կազմակերպված նվիրատվությանը:

Հանդիսավոր արարողությունը և Պետրոս Մայր եկեղեցում

Ե. Հ. Խ.-ի կենտրոնական կոմիտեի տարեկան ժողովի ընթացքում, օգոստոսի 26-ին, Ժնևի և Պետրոս կալվինական Մայր եկեղեցում հանդիսավոր կերպով տոնվեց 25-րդ տարեդարձը կենտ. կոմիտեի ժողովների:

Ե. Հ. Խ.-ին նոր անդամագրված եկեղեցիներ

1948 թվականին Ե. Հ. Խ.-ի կենտրոնական կոմիտեի առաջին նստաշրջանում մասնակցում էին միայն 147 անդամ եկեղեցիներ 48 տարբեր երկրներից: Այսօր, քանակինգ տարի հետո, անդամ եկեղեցիների թիվը աճել ու դարձել է 263: Այդ եկեղեցիները ներկայացնում են ավելի քան 90 տարբեր երկրներ:

Կենտ. կոմիտեի դոմսիակ նիստում եղան նոր առաջարկություններ զանազան ցամաքամասերի եկեղեցիները Ե. Հ. Խ.-ին անդամագրվելու վերաբերյալ:

Գրեթե միաձայնությամբ Ե. Հ. Խ.-ին անդամագրվեցին հետևյալ եկեղեցիները.

ա. Զաիրի Քրիստոսի եկեղեցին՝ «Լույսի համայնքը», որն ունի 100,000 անդամ:

բ. Զաիրի Քրիստոսի եկեղեցու «Մեհնունի համայնքը», որը հաշվում է 25,317 անդամ:

գ. Ինդոնեզիայի Կերեյա Քրիսթին բողոքական եկեղեցին, որը հաշվում է 110,000 անդամ:

դ. Ծապոնական օրթոդոքս եկեղեցին, որն ունի 25,000 անդամ, 30 քահանա և 40 հովվություններ:

Այս առթիվ Ե. Հ. Խ.-ի կազմում որպես գործակից-անդամ ընդունվեց նաև Զաիրի Քրիստոսի եկեղեցու մկրտչական-եպիսկոպոսական համայնքը, որը հաշվում է 12,000 անդամ:

Այսպիսով Ե. Հ. Խ.-ին անդամագրված եկեղեցիների թիվը բարձրացավ 268-ի:

Ե. Հ. Խ.-ի կենտրոնատեղիի պաշտոնյաների փոփոխություններ

Ե. Հ. Խ.-ի գլխավոր քարտուղարի օգնականներ ընտրվեցին դոկտ. Ալան Ա. Բրաշլ (երիցական եկեղեցու հովիվ, Նոր Զելանդիայից) և դոկտ. Կոնրադ Ռեյզերը (Արևմտյան Գերմանիայի լուսերական եկեղեցուց): Օգնական գլխավոր քարտուղարների պաշտոնները 3 տարվա համար են: Նախորդ օգնականներն էին հոգ2. Զենս Զ. Թոմսոնը և հոգ2. Կլեման Բարբեյը:

Հաջորդ կարևոր փոփոխությունը էկումենիկ ինստիտուտի նոր տնօրենի ընտրությունն է: Նախորդ տնօրենը՝ դոկտ. Նիկոս Նիսիտիսը, որն ավելի քան 15 տարի ծառայել էր էկումենիկ կրթարանին, հոգևածության պատճառով հրաժարված լինելով իր պաշտոնից, նոր տնօրեն ընտրվեց դոկտ. Զոն Ա. Մրիթին՝ երեք տարվա համար: Նոր տնօրենը քենիացի է, անգլիկան համայնքից, 42 տարեկան:

Քրիստոնեական գրականության զարգացման նոր բաժնի վարիչ նշանակվեց հոգ2. Ալբերտ Մանվելը, 49 տարեկան, բողոքական եկեղեցու զավակ, ազգությամբ հնդիկ:

Ե. Հ. Խ.-ի 5-րդ համագումարի նախապատրաստություններ

Արդեն իսկ նախապատրաստական աշխատանքներ են տարվում 1975 թվականի օգոստոսին կայանալիք 5-րդ համագումարի բարենաշող անցկացման համար:

Ե համագումարի նշանաբանն է լինելու «Հիսուս Քրիստոս ազատագրում է և միացնում» («Jesus Christ frees and unites»):

Մայր Աթոռ և Էջմիածնի կողմից համագումարին մասնակցող ներկայացուցիչների թիվը լինելու է 7:

Հաջորդ կենտրոնական կոմիտեի ժողովը

Կենտրոնական կոմիտեի 26-րդ ժողովը տեղի է ունենալու 1974 թվականի օգոստոսի 8—18 օրերին Արևմտյան Բելոխումս տեղի բողոքական եկեղեցու պաշտոնական մարմինների հրավերով:

Ժողովը իր դռնից կհատում շնորհակալությամբ իր համաձայնությունը տվեց սույն հրավերին և նշեց, որ քաղաքական ոչ նպաստավոր պայմանների առկայության դեպքում ժողովի վայրը կարող է փոփոխվել, ինչպես այդ պատահեց այս տարի, և ներկա ժողովը գումարվեց Ժնևում, փոխանակ Հելսինկիի:

Փակում կենտրոնական կոմիտեի 25-րդ ժողովի

Օգոստոսի 29-ին, երեկոյան ժամը 18.45-ին, կենտրոնական կոմիտեի ժողովը, ավարտած լինելով իր պարտականությունները, հայտարարվեց փակված:

Ե. Հ. Խ.-ի կենտրոնի մատուան մեջ հավաքված բոլոր ժողովականները իրենց գոհաբանական վերջին աղոթքը մատուցեցին առ Աստված: Միասնաբար աղոթեցին և միասնաբար երգեցին «A toi la gloire» («Քոնն է փառքը») մաղթերգը խանդավառությամբ և ներշնչումով: Ապա փոխադարձ սիրո ողջույն տալուց հետո, ժողովականները բաժանվեցին միմյանցից վերստին հանդիպելու համար հաջորդ տարի:

ՆԵՐՍԵՍ Ծ. ՎՐԴ. ՊՈԶԱՊԱԼՅԱՆ

